

LEBHTICUS.

thruailleas iad e: Tha mise an Tighearna 'gan naomhachadh.

10 Cha 'n ith coigreach sam bith do'n ni naomha: cha 'n ith fear-cuairt^a an t-sagairt, no feirbhiseach tuaraidail do'n ni naomha.

11 Ach ma cheannaicheas an sagart duine le airgiod, ithidh e dheth, agus efan a rugadh 'na thigh: ithidh iad d'a bhiadh.

12 Agus ma bhios nighean an t-sagairt *pòsda* re coigreach, cha 'n fheud i itheadh do thabhartas nan nithe naomha.

13 Ach ma bhios nighean an t-sagairt 'na bantraich, no dealaichte *r'a fear*, agus gun sliochd aice, agus i air pilltinn gu tigh a h-athar, mar 'na h-òige, ithidh i do bhiadh a h-athar; ach cha'n ith coigreach sam bith dheth.

14 Agus ma dh'itheas duine do'n ni naomha gun fhios da, 'an sin cuiridh e an cùigeadh *cuid* deth ris, agus bheir e do'n t-sagart e, *maille ris* an ni naomha.

15 Agus cha truail iad nithe naomha chloinn Israeil a bheir iad suas do'n Tighearna.

16 Ni mò a leigeas iad léo cionta an eusaontais a ghiùlan an uair a dh'itheas iad an nithe naomha: oir a ta mise an Tighearna 'gan naomhachadh.

17 Agus labhair an Tighearna re Maois, ag ràdh,

18 Labhair re h-Aaron agus r'a mhic, agus re cloinn Israeil uile, agus abair riu, Ge b'e air bith e do thigh Israeil, no do na coigreachaibh ann an Israel, a bheir feachad a thabhartas air

shaor thabhartasan uile a bheir iad feachad do'n Tighearna chum iobairt-loisgte:

19 Bheir sibh feachad d'ar toil féin *beathach* firionn gun ghaoid do'n bhuar, do na caoraich, no do na gabhraibh.

20 Ach ge b'e air bith ni anns am bi gaoid, *sin* cha d'thoir sibh feachad: oir cha ghabhar air bhur son e.

21 Agus ge b'e air bith e a bheir feachad iobairt thabhartas an-sith do'n Tighearna, a choil-ionadh a bhòid, mar thabhartas saor-thoil, do'n bhuar, no do na caoraich^b, bithidh e iomlan, a chum as gu'n gabhar ris: cha bhi gaoid sam bith ann.

22 Dall, no briste, no ciurramach, no air am bi fliodh^c, no càrr^d, no cloimh, cha d'thoir sibh feachad iad sin do'n Tighearna, ni mò a bheir sibh tabhartas dhiubh a bheirear suas le teine air an altair do'n Tighearna.

23 Aon chuid tarbh no uan aig am bi ni sam bith thar a' chòir, no dh'uireasbhuidh 'na bhallaibh, sin feudaidh tu thoirt feachad *mar* shaor thabhartas; ach air son bòide^e cha ghabhar ris.

24 Ni sam bith a ta brùite, no pronnta, no reubta^f, no gearrta, cha d'thoir sibh feachad do'n Tighearna; agus cha 'n iobairt sibh e 'nar tìr.

25 Agus o làimh coigrich cha d'thoir sibh feachad aran bhur Dé do h-aon diubh sin; a chionn *gu'm bheil* an truailidheachd annta, agus *gu'm bheil* gaoidean annta: cha ghabhar